

A G N E S V A L I E R

C a m i s c h o l a s

1 9 4 8 - 1 9 6 8

Uonn ha la mort era buca schanegiau la giuventetgna da Tujetsch. Ella ha raffau naven la giuvna Agnes V a l i e r da Camischolas, nunditgont sia flurenta vegliadetgna da 20 onns, sias bunas qualitads e sia ventira sco spusa. La largia che Agnes ha schau anavos ei gronda e nunremplazzabla.

Agnes ei naschida ils 2 d'uost 1948. Suententer haver frequentau las scolas sededichescha ella beingleiti alla clamada da cameriera. Vuolend ella far quei endretg, frequenta ella la scola da survir a Lucerna, la quala ella concluda cul meglia success. Silsuententer ei ella en differents loghens e dapertut eis ella beinvegnida muort sia curtesia e sia humilitonza. Sia davosa piazza ei stada a S. Gagl. All'entschatta digl onn sesenta ella buca bein. Ils miedis intermediesschan ella el spi-

tal. Leu fan els tut lur pusseivel ed in temps
serevegn ella detg pulit. Mo allas ulteriuras
attaccas dalla maligna malsogna po ella buca
resister pli. Sco bara tuorna ella a casa. Ils
15 da fenadur accumpogna in grond conduct da
bara la preziada defuncta al davos ruaus. Era
l'annada 1948 renda la davosa honor a lur con-
scolara. Ina biala gesta!

Consterni stein alla fossa d'in giuven car-
stgaun. Pertgei quella crudeivladad? Risposta
e consolaziun dat a nus mo la cardientscha:
La mort ei la porta per la veta gloriosa.